



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

CXXV. Confirmantur Constitutiones pro bono regimine Fratrum Tertii Ord.
Sancti Francisci, ex aliis Constitutionibus, Statutis, & Decretis dicti Ordinis
collectæ.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

Decreti tenor.

terea dictus Procurator Generalis humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur.

§. 2. Nos igitur ipsum Procuratorem Generalem specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, ac tam memoratis Constitutionibus Apostolicis, quam Generali Decreto dudum jussu re. me. Sixti PP. V. Prædecessoris pariter Nostri a Congreg. tunc existentium S. R. E. Cardinalium, negotiis & consultationibus Regularium præpositorum edito, circa recursum & appellationem eorumdem Regularium, ordinemque in eis servandum, inherentes, hujusmodi supplicationibus inclinati, ne deinceps ullus Religiosus supradictæ Congregationis Cassinensis cujusvis dignitatis, gradus, & conditionis existat, Sedem Apostolicam adversus suum Superiorem adire audeat sive præsumat, nisi prius ad viciniorem Visitatorem Prævinciæ, ac deinde ad Præsidentem Generalem præfatæ Congregationis Cassinensis, desuper recursum habuerit, sub penis in dicto Decreto generali contentis auctoritate Apostolica tenore præsentium prohibemus ac interdicimus.

Clausula.

§. 3. Decernentes, easdem præsentis literas semper firmas, validas & efficaces existere & fore, suosque plenarios & integros effectus fortiri & obtinere; ac illis, ad quos spectat, & pro tempore quancumque spectabit, plenissime suffragari, & ab eis respective inviolabiliter observari; Sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definituri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, necnon Congregationis Cassinensis, & Ordinis prælatorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrariam præmissorum quomodolibet concessis, confirmatis, & innovatis; Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 19. Januarii 1734. Pontificatus Nostri Anno Quarto.

F. Cardinalis Oliverius.

CXXV.

Confirmantur Constitutiones pro bono regimine Fratrum Tertii Ordinis Sancti Francisci, ex aliis Constitutionibus, Statutis, & Decretis dicti Ordinis collectæ.

Dat. die 26. Jan. 1734. Pont. An. IV.

CLEMENS PAPA XII.

Ad futuram rei memoriam.

Proœmium.

EX injuncto Nobis divinitus Apostolicæ servitutis officio ea, quæ pro felici prosperoque Christianidelium, qui e fluctibus sæculi in portus religiøsæ vitæ confugerunt, & vota sua

in Sanctitate & Justitia reddere satagunt, regimine & gubernio, ac Religionis Incremento, tuendaque & solidanda in eis pace & tranquillitate provide prudenterque constituta ac disposita esse noscuntur, ut firma semper & inviolabilia persistant, Apostolici muniminis Nostri præsidio, cum id a Nobis petitur, libenter roboramus.

§. 1. Exponi siquidem Nobis nuper fecit dilectus filius Bonaventura Cervasi Procurator Generalis Fratrum Tertii Ordinis Sancti Francisci, tam suo quam dilecti etiam filii Pauli Bellamo Ministri Generalis, aliorumque Religiosorum ejusdem Ordinis nomine, quòd ad unam certamque, quæ in dicto Ordine deinceps servari ac retineri deberet, vivendi normam & disciplinam, sublata omni confusione, ac legum seu statutorum varietate atque discrepantia, constabiliendam ac firmandam, Constitutiones Ordinis prædicti jussu Nostro ordinata, & in unum volumen collectæ fuerunt, utpote desumptæ ex multis diversisque aliis ejusdem Ordinis Statutis & Constitutionibus, tum a fel. rec. Urbano VIII. ac Innocentio X. Romanis Pontificibus Prædecessoribus Nostri per suas in simili forma Brevis die 8. Julii 1639. & die 27. Junii 1650. respectivo expeditas literas, confirmatis, tum a Capitulis & Definitoriis Generalibus ipsius Ordinis, quæ ab anno 1619. hucusque celebrata sunt, editis, quibus omnia insuper decreta, aliis a Nobis condita, & per nostras in pari forma Brevis die 21. Augusti 1730. emanatas literas approbata accesserunt, ac subinde collectio Constitutionum hujusmodi de mandato pariter Nostro revisa & accurate expensa; necnon aliqua ex parte emendata fuit, tenoris, qui sequitur, videlicet.

Petitio pro A. est. obtinenda confirmatione.

C A P. I.

Quoad Chorum, & Orationem mentalem.

1. Ab Horis Canonicis in Choro alternatim recitandis nemo ex nostris cujuscumque gradus exemptus sit, præter Prædicatores, dum actu tamen prædicant & Lectores, dum actu legitime non impediti.

Constitutiones.

Qui sint exempti a Choro.

2. Ubi non adest usus recitandi Matutinum in medio noctis, recitetur prope ortum solis, vel ut mos jam obtinuit, paulo post ejus occasum, cui tunc intersit quoque in Ecclesia Laici legitime non impediti.

3. Hebdomadarius ne præsumat de sua memoria, sed in Breviario vel Diurno legat, quæ in Choro solus recitare debet, sub pœna veniam petendi coram simul discumbentibus.

4. Singulis diebus habeatur mentalis oratio per horam, incipienda tamen a lectione alicujus libri spiritualis, & complenda Sanctorum Litanis ante cenam, cui interesse debent etiam Regentes, & Lectores, licet actuales, sicuti communi flagellationi, & Capitulo culparum.

De Oratione mentali, a qua exemptus nemo.

5. Post Primam quoque mentaliter oretur per semihoram, inclusis tamen B. Virg. Litanis.

C A P. II.

Quoad casus in nostro Ordine jure harum Constitutionum reservatos.

1. Ut unusquisque ex nostris Superioribus jus suum recognoscat, quoad Casus reservatos, declaramus, quod ex nunc, & in perpetuum infrascripti tantum Casus in Ordine nostro ex auctoritate Regulari sunt reservati, nempe:

Casus Ministro Generali reservati.

1. Occisio, aut mutilatio cujuscumque personæ.
2. Quælibet

2. Quælibet percussio Prælatorum, Procuratoris Generalis, Secretarii Generalis, necnon Secretarii Provincialis.

3. Veneficia, Incantationes, Sortilegia.

4. Retardatio, aut malitiosum impedimentum, aut aperitio literarum Generalis aut ejus Commissarii aut Procuratoris Ordinis ad quoslibet alios, etiam non Religiosos, aut aliorum quorumcumque subditorum, & secularium ad eosdem.

5. Falsificatio manus, vel sigilli Patris Generalis, Commissarii Generalis, aut Procuratoris Ordinis.

Casus Ministro Provinciali reservati.

1. Quælibet percussio gravis Religiosorum infra Prælatos & personas, supra nominatas in secundo casu Ministro Generali reservato; quæ percussio erit gravis, si fuerit cum notabili effusione sanguinis, vel cum scandalo secularium.

2. Juramentum falsum in quolibet Judicio legitimo.

3. Procuratio, auxilium, seu consilium ad abortum post factum animatum, etiam effectu non sequuto.

4. Falsificatio manus, aut sigilli omnium Superiorum, ac etiam Officialium Conventuum, sed infra Generalem, Procuratorem Generalem, & Commissarium Generalem quemlibet.

5. Malitiosum impedimentum, retardatio, aut aperitio literarum a Superioribus omnibus, exceptis Generali, ejus Commissario, & Procuratore Generali, ad inferiores etiam non Religiosos, & horum ad ipsos.

6. Furtum rei Sacræ, quod sit peccatum mortale.

Casus Superiori locali reservati.

1. Nocturna & furtiva e Conventu egressio ad malum finem.

2. Proprietas contra votum paupertatis, quæ sit peccatum mortale, ut valeat ultra decem julios, etiam pecunia.

3. Furtum de re valente ultra decem julios, etiam pecunia, sed non rei Sacræ.

4. Incestus Consanguineorum, & Sodomia.

5. Percussio levis sine effusione sanguinis, & sine scandalo secularium, cum censura annexa.

6. Decernimus etiam, ut quater in anno, nempe in solemnitatibus Resurrectionis a Dominica Palmarum usque ad Dominicam in Albis pro una vice tantum: Natalis Domini: B. P. Francisci: & in Festo Portiunculæ cesset quoad prædictos casus omnis reservatio.

C A P. III.

Quoad suffragia Defunctorum.

1. Pro Anima cujuscumque ex nostris defuncti celebretur in quolibet nostri Ordinis Conventu Missa solemnis de Requie, persolvatur a Clericis integrum Defunctorum Officium, & ab illiteratis quinquages recitetur oratio Dominicalis & saluatio Angelica cum orationcula, cujus initium: Requiem aeternam; Idque solemnus fiat in funere Summi Pontificis, & Eminentissimi Ordinis Protectoris.

2. Item pro anima, ut supra, celebret semel quilibet Sacerdos ex ejus Provincia, & quilibet ex toto Ordine pro anima Generalis, Procuratoris Generalis, & Secretarii Generalis tam actualium quam præteritorum.

Bullarii Rom. Contin. Pars VIII.

3. Ut autem mors nostrorum Defunctorum illico toti Ordini innoxescat, teneatur Prior Conventus, ubi quis obierit, de hoc obitu Provinciale admonere, qui illum communicet cæteris suæ Provinciæ Prioribus, & Procuratori Generali in Curia, a quo admonendi sunt cæteri Provinciales, ut ipsi in suis Conventibus pro Defuncti anima statuta suffragia persolvi studeant.

4. Præterea ultra quatuor Anniversaria, in singulos annos statuta in nostra Regula sub Cap. 17. præcipimus persolvi quintum die 15. Novembris, vel altera, ea impedita, pro iisdem animabus, ac sub iisdem suffragiis.

5. Demum in quolibet nostro Conventu ad sint etiam duo libri, in quorum uno Prior annotet Religiosum ibi decedentem sub die, infirmitate, & ætate, qua obierit, ac expressis gradibus, si quos habuit: & in altero subscribantur Sacerdotes, qui pro nostris Defunctis celebraverint, ut ita & onera & simul eorum adimplementum Visitatoribus legitime appareant.

C A P. IV.

Quoad Affiliationes & Exfiliationes.

1. Commendantes laudabilem Filiationum morem, a nostris jamdiu receptum, ut ita habeatur locus, ubi fatui, ægri, insanabiles, senes, erati alicujus pœnam luentes, & his similes, qui Conventibus gravi sunt incommodo, collocari possint, præcipimus, ut nemo ad habitum admittatur, nisi habeat alicujus Conventus Affiliationem, sub pœna privationis officii, Superiori admittenti aliquem ad habitum sine Affiliatione. Si quis autem reperiat admittit sine prævia Affiliatione, ad Capitulum illius Provinciæ spectabit, eum declarare filium unius potius vel alterius Conventus.

2. Affiliationes, & exfiliationes, ut sint validæ, requirunt etiam in scriptis consensum Ministri Provincialis, qui tamen consensus suppleri potest, causa cognita a Ministro Generali.

3. Habito autem, vel suppleto consensu Provincialis, affiliatio, ut sit valida, requirit etiam consensum majoris partis filiorum Conventus, cujus nempe quis sit filius. Et si prædicti ad hunc effectum Vocales quoad majorem partem sint intra Provinciam, licet extra Conventum, tunc eorum suffragium exquiratur per epistolas. Idem prorsus consensus requiritur ad exfiliationes, ut sint validæ; ita tamen, ut si indebitè denegetur a majori parte filiorum Conventus, a cujus filiatione quis didicere petit, suppleri possit, cognita causa, a Ministro Generali.

4. Exfiliatio nullum censetur habere effectum, nisi prævia, vel post obtentam legitime affiliationem alterius Conventus ab eo, qui exfiliationem habuit.

5. Demum expensæ pro infirmitate incurabili, vel longo carcere, spectent ad Conventum filiationis, sicuti & decedentium spolia, modo tamen, quo infra Cap. XI.

C A P. V.

Quoad Novitios, & de recenti Professos.

1. Pro admissione Novitiorum, ac emittenda Professione, eorumque Magistris serventur ea, quæ præscribuntur in nostra Regula Cap. VII. & IX., ac Decreta Clementis PP. VIII. & Sacræ Congregationis super statu Regularium, edita sub Alexandro PP. VII. die 18. Junii 1659. Et insuper antequam nostro sancto Habitu induantur, vel jam probati emittant Professionem, vacare debent Exercitiis spiritualibus per decem

De communi
Ordini obitu
Defuncti.

Ad habitum
non admittendi,
qui non habent
filiationem.

Quid requiratur ad validitatem filiationis.

Et exfiliationis.

Non admit-
tendi in alie-
no professi
Ordine.

Laici ad sta-
tum Clerica-
lem non pro-
moyendi.

De noviter
Professis.

Pœna con-
tra inobe-
dientes.

De licentia
perenda an-
tequam quis

dies, & eorum quilibet obtinuisse debuerit filiationem alicujus Conventus, ut supra statutum est Cap. IV. quoad affiliationes.

2. Nullus etiam in nostrum Ordinem introducatur, qui in alieno professionem emisit, & quidem nec de licentia Ministri Generalis, cum hanc facultatem hujusmodi reservaverit Congregatio Generalis.

3. Laici nequeant transire ad statum Clericalem, & si furtim fuerint Sacris initiati, omni Clericali honore priventur; nec eis divinum Officium in Choro cum Clericis persolvere permittatur, sed ad laicalia onera omnino reducantur. Neque etiam admitti debent ad annum probationis, nisi antea saltem per annum in aliquo ex nostris Cœnobiiis vacaverint oneribus laicalibus in habitu tertiariorum, neque cum Tunica talari sine Caputio; Possit tamen Provincialis quoad hoc ex aliquo prudenti motivo cum illis dispensare.

4. Quamvis affiliatio, & exiliatio modo, quo supra statutum est sub Capite IV. quoad affiliationes, fieri debeant tantum a majori parte filiorum Conventus; attamen in admittendis Novitiis vocem habeant omnes legitime professi in Conventu de Familia existentes, si tamen tertium annum professionis compleverint, & ibi fuerint per duos menses antea commorati. Cum Sacerdotibus autem super prædicto defectu minoritatis professionis dispensare possint tum Generalis, tum Provincialis.

5. Quo autem ad noviter Professos, debent ii permanere in Professorio per tres annos, & ad majus tempus, ad arbitrium Provincialis, dummodo non sint Sacerdotes; ibique in scientiis instituantur juxta eorum capacitatem. Quod si a Conventu Studiorum alii non possint, alatur unusquisque eorum a Conventu suæ filiationis. Quid autem Conventui Studiorum dandum sit, standum erit judicio Provincialis cum suo Definitorio.

6. Demum Provinciales curent, ut superflui sumptus in ingressu ad Novitiatum, & admissionem professionis omitantur.

CAP. VI.

Quoad Tertiarios, seu Heremitas.

E nostris, qui virtute privilegiorum a Summis Pontificibus Nostro Sancto Ordini concessorum, facultatem habent aggregandi ad nostrum Institutum personas seculares, & eisdem literas patentes concedendi, ut gestare possint Habitum heremiticum, nemo per se ipsum, sive per alios sub pœna privationis officii possit ab illis aliquid pretendere, nisi dumtaxat julium unum monetæ romanæ ratione expensarum cartæ pergamænæ, & Scriptoris dictarum literarum. Quod si quid aliud sponte & libere fuerit illi oblatum, illico ab eo sub eadem pœna in capsâ reponatur, ac in libro peculiari fideliter annotetur, & totum in Beneficium Ecclesiæ & Conventus aut Provinciæ cedere debeat.

CAP. VII.

Quoad votum Obedientiæ, Vagos, & Apostatas.

1. Nihil a Superioribus subditis præcipiatur sub censuris, nisi sit materia peccati mortalis, aut proxime ad illud conducens. Subditus verò respuens temere & pertinaciter per duos dies hujusmodi præceptum, prius sit utraque voce ad tres menses, & si ita inobediens fuerit Provinciali, ad annum, si vero Generali, ad biennium.

2. Nemo nostrum audeat etiam titulo Prædicationis exire e Conventu sine licentia Prioris,

aut ejus locum tenentis; nec ex Conventu ad alium inter Provinciam sine licentia in scriptis a Provinciali; nec ex una ad aliam Provinciam sine licentia pariter in scriptis a Generali, sub pœna arbitraria Superioris, quem læserit. Prior autem poterit, si necessitas urgeat, subito suo concedere, ut per hebdomadam in alio Conventu intra Provinciam moretur, & Provincialis per viginti dies in Conventu alienæ Provinciæ; sed non sine licentia in scriptis pro fide legitimi recessus.

3. Exiens e Conventu furtim ad malum finem de nocte pœnam subeat privationis utriusque vocis ad annum, & deponatur ab officio, si sit Superior. Obedientiæ demum, a quocumque Superiore concessæ, durent ad tres menses a die datæ, nisi aliter limitentur.

4. Prior intelligat, Religiosum ad se divertentem esse fugitivum ex deficientia literarum obedientialium, quas inde a quolibet Advena exquirere debeat. Repertum autem fugitivum, in carcere detineat, donec ab illius Priore, vel Provinciali, per ipsum requisitis, sciat quid quoad eundem agere debeat.

5. Fugitivi, qui per dies octo vagarunt extra Claustra, priventur utraque voce ad tres menses: qui vero per dies quindecim, per sex menses, & ad hanc proportionem crescente vagatione crescat & præfata pœna.

6. Apostatam de rigore, seu qui ipso facto excommunicationem incurrit a jure, eum solummodo declaramus, qui sine vel cum Habitu ab Ordine discedit cum animo amplius non redeundi, juxta Regulam Cap. XX.

7. Repertus in Apostasia sine Habitu, ultra privationem utriusque vocis ad biennium, subeat etiam pœnam carceris, & privationis præcedentiæ ad sex menses.

8. Demum Apostata, qui ad suum Conventum redierit, poterit a Priore absolvi ab excommunicatione, quod & præstari potest a Provinciali in sua Provinciâ, a Generali ubique, & a Procuratore Generali in Curia.

CAP. VIII.

Quoad Votum Castitatis.

1. Ut securius a nostris Castitas servetur, eis vetita sint mulierum dubiæ famæ consortia familiaria, & suspecta, sub pœna privationis utriusque vocis ad annum.

2. Convictus de inhonesto concubitu, ultra prædictam pœnam, carceri mancipetur per menses tres, & per sex, si fuerit cum scandalo. Captus vero a Curia seculari in æde mulieris inhonestæ, puniatur etiam pœna exilii ad triennium.

CAP. IX.

Quoad Votum Paupertatis.

1. In quolibet Conventu adsit capsâ triclavis, quarum clavium una sit penes Priorem, alia penes Procuratorem, & alia penes electum a Familia. In præfata capsâ triclavi reponi debent, ultra pecuniam, quæ spectat ad Conventum, vel ad Fratres particulares, etiam notæ, vulgo *Sproprie*, singulorum de Familia, in quibus, sed unusquisque in sua fideliter exprimat, ultra quantitatem pecuniæ, ea etiam mobilia, quæ de licentia Superiores retinet ad usum proprium.

2. Pecunia spectans ad Fratres particulares expendi quidem debet ab expensore vel expensibus electis, sed non nisi in beneficium ejus, qui eam reposuit in capsâ triclavi, sub pœna privationis vocis activæ & passivæ, ac majoris, Priori, vel cuicumque alteri, qui secus fraudulenter egerit.

De Fugitivis.

De Apostatis.

Pœna contra peccantes in castitate.

3. Nullus ex nostris, sub pœna proprietariis debita, mutuet extra Ordinem pecuniam, nisi de consensu Prioris, & cum pignore, præsentibus duobus Patribus gravibus & fide dignis. Pignus autem & confessio reponantur in capsâ triclavi.

Pœna contra Proprietarios.

4. Conviçtus dedisse rem valoris ultra viginti julios, si dederit eam extra vel intra Ordinem, ut gradus vel officia regularia consequeretur, sit ultra privationem utriusque vocis ad biennium, privus obtentis; quam pœnam subeant quoque Superiores, qui eo intuitu munera receperunt; circa vero largitionem munerum servetur inviolabiliter Bulla Urbani PP. VIII.

C A P. X.

Quoad Indumentum.

Forma Indumenti.

1. Indumentum exterius sit tunica talaris, sicut & pallium, quod sit juxta communem Ecclesiasticorum formam, ut hodie est in usu: Scapulare utrinque angulare; & horum quodlibet ex lana coloris vulgo *Berrettino*, quod potius ad nigrum colorem vergat: Pileus vero coloris nigri: Pallium, quod domi aut in itinere deferretur, ex panno nigri coloris deferri posse concedimus: subius nemo ferius vestiatur, sub pœna privationis utriusque vocis ad sex menses, toties quoties inobediens repertus fuerit: Interalis lineis uti possint: Extra Cellam non incendant sine tunica & caputio, licet sine eis cubare possint: manicam pelliceam nostris non negamus, sed sic lana vel panno nigro texta: Chirothecas quoque modelli coloris, dum iter agunt, permittimus: Tonfura in Clericis ad formam Coronæ non sit nudum signum Monasticum, sed nec tale, ut comam nutrire videantur.

C A P. XI.

Quoad Infirmos, & Spolia decedentium.

1. Ubi e nostris quis infirmatur, illico Prior sub pœna privationis officii sedulo curet, ut in valedudinario cuncta illi subministrantur opportuna tam in animæ spirituale beneficium, quam pro corporis salute recuperanda, & quidem ex bonis ipsius Conventus, si convaluerit, & fuerit ibi de Familia; si vero ibi morabatur, ut hospes, ex bonis Conventus suæ assignationis, a quo discesserat.

De distributione Spoliorum.

2. Si vero mori contigerit in Conventu, cujus non erat filius, tunc ex ejus spolio, si adsit, Conventus, in quo moritur, sumat quidquid expenderit pro ultima ejus infirmitate & funere, & reliquum detur integrum Conventui filiationis.

3. Si vero obierit in Hospitio Lauretano, in quo erat de Familia, si adsit spolium, demptis ex eo expensis pro ultima infirmitate & funere, dividatur pro medietate inter Hospitium & Conventum filiationis; idque quia præfatum Hospitium sæpe gravatur a nostris peregrinantibus ad Sacram Aedem Lauretanam.

4. Nemini ex Superioribus liceat aliquid ex spoliis decedentium accipere; soli tamen Ministro Generali permittitur sit de eorum parva aliqua quantitate disponere in evidentem Ordinis utilitatem.

C A P. XII.

Quoad Studia Scholastica.

Lectores a quibus eligendi.

1. Lectores Philosophiæ, vel Sacræ Theologiæ, ac Regentes, a solo Ministro Generali eligi possunt vel deponi, ita & eorum Scholares, qui illis quoad ea, quæ studia concernunt, subfint; immo

congruit, ne eos Prior, dum studia sunt aperta, e Conventu exire permittat sine illorum licentia.

2. Studia scholastica aperiuntur post Festum Nativitatis Beatæ Mariæ Virginis, & claudantur post mensem Junii; ubi autem usus invaluit, ut mense Novembri studia aperiuntur, tunc non nisi post Festum Assumptionis B. M. V. claudantur.

3. Dum studia sunt aperta, studentes bis tantum in hebdomada ultra Feriam Quintam e Conventu exeant, extra tamen tempus, quo lectionem audire debent, & semper de licentia Prioris: Lectores vero, excepta pariter Feria Quinta, & qualibet alia festiva, bis quotidie lectionem habere debent, nempe de mane, & post Vesperas. Duobus autem saltem hebdomadæ diebus post Vesperas loco lectionis insimul conveniant studentes cum Lectoribus ac Regente, & disputent super iis, quæ ab illis audierunt in hebdomada.

4. Lectores Philosophiæ & Theologiæ suos doctrinam Joannis Danz Scoti, Doctoris subtilissimi ex Ordine Minorum, doceant, eamque tum in privatis tum in publicis disputationibus, quibus præstant, propugnent, secus lectorum privilegiis non gaudeant. Item si statis supra temporibus, excepto Quadragesimali, in quo Provincialis Regentibus & Lectoribus facultatem prædicandi concedere possit, lectiones legitime non impediti per integrum mensem non habuerint, ipso facto ab officio Lectores vel Regentes suspensi intelligantur, absque spe restitutionis. Si vero tantum ter per hebdomadam eas omiserint, corrigantur a Priore, qui sub pœna privationis officii persistentes in negligentia Ministris Provinciali & Generali revelet. Item non occupentur alio officio impossibili, verbi gratia, non sit quis simul Prior, & Lector seu Regens. Demum Regens, qui per annos quatuordecim nostros erudierit, possit de consensu Generalis eligere sibi Conventum, ubi aliqualem famulatum habeat ab uno ex laicis, a Priore deputando.

Tempus aperi-tionis Scudiorum.

Assignatio dierum pro Lectionibus habendis.

Doctrina Scoti defendenda.

C A P. XIII.

Quoad laureandos.

1. Cum se. re. Innocentius PP. XII. Ministro Generali nostri Tertii Ordinis, pro tempore existenti, concesserit facultatem privative quoad omnes alios conferendi Doctoratus seu Magisterii lauream Fratribus in dicto Ordine professis, qui antea Philosophiam per tres, & super omnibus Senteutiariarum Libris Sacram Theologiam per alios quatuor annos laudabiliter legerint & docuerint, prout latius in suo Brevis sub die 17. Maji 1692.; Ut id exacte observetur.

Laurea Doctoratus a Ministro Gen. concedenda.

2. Statuimus, quod sub primis tribus annis, & quidem proculdubio naturalibus, a Lectore Philosophiæ tradantur integra Logica, octo libri de Phisico Auditu, libri de Ortu & Interitu, de Cælo & Mundo, de Elementis, de Anima, & de Metaphisica: Ita & in primo ex quatuor pro Sacra Theologia tradantur ab ejus Lectore tractatus de Præmialibus Sacræ Theologiæ, de Dei quidditate & perfectionibus, Attributis, de Visione Beata, de Scientia, Voluntate, Providentia, & prædestinatione Dei, & de Myserio Trinitatis: In secundo de Angelis, de Actibus humanis, de Vitiis & peccatis, ac de Gratia & Justificatione: In tertio de Myserio Incarnationis, & de Virtutibus Theologicis; In quarto demum de Sacramentis in genere, de Pœnitentia, ac de Sacramento Eucharistiæ; Et donec præfati omnes Tractatus non fuerint Studentibus traditi, septem anni lecturæ requisiti ad lauream Magisterii obtinendam non intelligantur completi.

Distributio Tractatum.

3. Si plures in uno Collegio sint, qui eisdem Scholares, ut congruit, Sacram Theologiam doceant, Tractatus supra designatos ita sibi dividant, ut de utroque eorum verum sit, in quatuor annis super quatuor Sententiarum libros legisse, ut eis conferri possit, servatis aliis servandis, laurea Magisterii.

4. Si Lectoribus desint Studentes Religiosi, duo saltem Discipuli Sæculares, non tamen pauciores, eis conferant ad lauream consequendam. Sed de adimplemento utriusque lecturæ ad normam supra traditam, ultra fidem juratam à Priore & duobus Patribus principalibus Conventus, ubi legerint, fidem juratam a Provinciali, qua indigent, qui legerint nostris Religiosis, habere debent.

C A P. XIV.

Quoad Examinatores generales.

De numero.

1. Cum ad gradus literarios promovendi sunt Examinatores non sint nec plures nec pauciores, quam viginti & unus, nempe ultra Regentem pro tempore Sanctorum Cosmæ & Damiani de Urbe, septem pro Provinciis, Romana, Marchiana, Aprutina, Neapolitana, & Calabrensi, octo pro Provinciis Mediolanensi, Bononiensi, Brixienti, Veneta, & Dalmatina, ac quinque pro Provincia Sicula.

Et qualitates Examinatorum.

2. Præfati Examinatores Generales approbati debent a Definitorio Generali; & semel approbati, durante eorum vita, deponi non possint, nisi probati infideles in eorum munere examinandi. Cum autem quis eorum moriatur vel renuntiet, alter a Ministro Generali proponatur, sed approbandus a Definitorio Generali, ut ejus electio sit valida. Habeant quoque votum activum in Capitulis Provincialibus suæ tantum Provinciæ, atque ejusdem Provinciæ expensis accedant.

C A P. XV.

Quoad Regentes Generales.

De munere,

1. Ad sint etiam quatuor Regentes Generales, quorum munus sit præsidere Cathedris seu Conclusionibus, si quæ fuerint disputandæ, in Capitulo præsertim Generali, si ibi ad sint, vel ut Vocales, aut vocati. Præsideant etiam Conclusionibus publice disputandis extra tempora Capitulum, dummodo tamen non ad sit in Conventu Regens particularis.

Et electione Regentium Generalium.

2. Assumantur ex Magistris, in Philosophia & Sacra Theologia versatioribus, nec ex eadem Provincia, nisi duo; Eligantur eo fere modo, quo Examinatores Generales, quorum privilegiis gaudeant; immo eos præcedant, cum possident summum gradum literarium.

C A P. XVI.

Quoad Professores Morales, Confessarios, & Prædicatores.

Qualitates Lectoris Moralis.

1. Nemo instituat Lector Moralium, vel Prædicator, nisi studuerit laudabiliter Philosophiæ per tres annos, & Sacræ Theologiæ per quatuor.

2. Ubi non ad sit Lector Moralium, Sacerdotes ad nutum Superioris bis in hebdomadam conveniant, & ab uno eorum alternatim casus conscientiæ propositi resolvantur juxta sensum probati Auditoris; Inter autem disputandum omnino se abstineant a jurgiis.

Regulares Sacerdotibus Sæcularibus non confitentur.

3. Sacerdotes nequeant audire Confessiones Religiosorum in aliqua Provincia, nisi saltem de licentia in scriptis illius Ministri Provincialis: qui omnino caveat, ne eo exhibeat Episcopus examinandos pro audiendis Confessionibus Sæcularium, nisi

prius a se, vel ab Examinatoribus Generalibus strictè discussos & idoneos repertos.

4. Prædicator, si in loco & in actu prædicationis populo scandalum dederit, a facultate prædicandi ad triennium a Provinciali suspendatur.

C A P. XVII.

Quoad Bibliothecas.

1. Ubi ad est Bibliotheca, instituat Bibliothecarius, cui consignetur a Priore copia Inventarii librorum omnium, repositi in capsa triclavi, & clavis Bibliothecæ.

2. Satagat Bibliothecarius ordinate disponere libros, a pulvere custodire, & accedentibus ad Bibliothecam legendos tradere.

3. Solummodo Regentibus, Lectoribus, & iis, qui super hoc facultatem a Provinciali obtinuerint, licitum erit libros a Bibliotheca extrahere. Extractos autem debet Extractor in libro ad hoc deputato scribere manu propria, v. g. Ego Pater N. N. die, mense, anno extraxi a Bibliotheca librum vel libros, N. N., & cum eos reddiderit, scribat: Reddidi; idque in utroque eventu agat coram Bibliothecario.

4. Bibliotheca non est diminuenda, immo potius, si fieri potest, augenda; inde Bibliothecarius quoad libros repertos laceros curet unâ simul cum Priore, ut reparentur; & quoad repertos duplicatos, si sint inutilis instat, ut vendantur; vendi autem non possunt sine expressa licentia Familiæ, firmata etiam a Provinciali, & ita, ut pretium venditorum convertatur totum in emptionem aliorum librorum, quibus caret Bibliotheca.

C A P. XVIII.

Quoad Eleemosynas.

1. Laici, qui quæstuant, & quilibet ex nostris integram eleemosynam quam a Benefactoribus recipiunt intuitu Conventus, illico tradere debent Priori vel Sacristæ, si data fuerit cum onere celebrationis Missarum; neque Prior cum illis pactum inire potest, sub pœna privationis officii, ut ultra quamdam determinatam summam Conventui applicandam, reliquam sibi retineant. Possit tamen Prior illis aliquid ex acceptis eleemosynis largiri in retributionem laborum.

Conventus à Priore cum Quantibus non incedat.

C A P. XIX.

Quoad introitum.

1. Pecunia spectans ad Conventum, undecumque proveniat, describatur in libro, vulgo *Giornale*, sub iisdem titulo, & die, quo recepta fuerit: & reponatur in capsa triclavi, excepta ea quantitate apud expensorem, quæ necessaria erit pro solo victu unius hebdomadæ; ac sub pœna privationis officii neque Procurator quidquam spectans ad Conventum valoris ultra scuta quinque vendere possit absque Familiæ consensu.

C A P. XX.

Quoad exitum.

1. In supradicto libro, vulgo *Giornale*, describatur saltem de hebdomada in hebdomadam, quidquid in ea expensum fuerit, signatis die, pondere, qualitate, & pretio rei emptæ, sub pœna privationis officii ei, qui defecerit, five Prior five Procurator five Expensor sit, si fuerint notabiliter negligentes reperti.

2. Prior, Procurator, Expensor, nec expensore, nec debitum contrahere possint ultra summam scutorum quinque, absque Familiæ consensu sub eadem pœna, qua supra.

Gravia debita non contrahenda sine consensu totius Familiæ.

3. Ubi

3. Ubi quid restaurandum sit, vel de novo erigendum, ex bonis Conventus, id intra summam scutorum decem possit Prior cum consensu Familiae; intra vero summam scutorum quinquaginta, exquirat consensum etiam Provincialis; supra autem hanc signatam summam, obtineat consensum quoque Generalis, sub poena privationis officii.

Munera amini per Fratres danda.

4. Nemo nostrum sub privationis officii poena praeparet data opera extra solemnitates nostri Ordinis, ex bonis Conventus, convivia exteris, si non sint Benefactores, vel Fratrum consanguinei iter agentes; nec munera de eisdem bonis, nisi minuscula in Natali & Pascae Domini, ac in die Purificationis Beatæ Mariæ Virginis Candelam, infervientibus tamen Conventui, & eximiis Benefactoribus.

De Ferculis.

5. Prior contentus sit iisdem prorsus ferculis, quæ pro cæteris de familia præparata sunt, sub poena ad arbitrium Provincialis, quæ quidem fercula juxta morem regionum sint ejus qualitatis, & in ea quantitate, ut dolere non debeant Religiosi graves.

De Computis.

6. Computa tam introitus quam exitus quolibet mense publicari debent in communi mensa, & subscribi saltem ab electo a Familia, sub poena Priori privationis officii, si fuerit notabiliter repertus negligens.

De Libris rationum.

7. Libros rationum Prior alio non transferat, sed eos successoris consignet, vel, si pleni sint, in Archivio reponat. Præfati autem libri, licet in Visitatione Provinciali vel Generali fuerint subscriptione firmati, impugnari adhuc possunt; cum Visitator, si non advertatur, judicet non super veritate, sed tantum super calculatione summarum; sed tamen intra decennium a Visitatione fieri debet, ad instantiam saltem duorum ex Religiosis fide dignis.

De Visitatione, & iis, quæ ei sunt ostendenda.

8. Prior & Procurator exhibeant Visitatori libros rationum examinandos, & insuper tria Inventaria: quæ si non adsint, conficere ea Prior teneatur intra congruum tempus, statuendum a Provinciali, sub poena privationis officii: Primum sit bonorum immobilium & stabilium, necnon quorumcumque jurium ad Conventum pertinentium, & vulgo dicitur *stato del Convento*: Alterum bonorum mobilium, pertinentium præsertim ad Sacristiam, Bibliothecam, Cellam Vinariam & usum domesticum Religiosorum: Tertium tandem vulgo dicitur *libro del Granaro*, exprimat annuos proventus non solum frumenti, sed etiam vini, olei, leguminum &c., quæ provenerunt sive ex stabilibus Conventus sive etiam ex quæstibus: ac eorundem exitum; itaut omnium comestibilium existentium in Conventu distincte quantitas appareat. Adfit etiam in quolibet Conventu folium, Visitatori pariter exhibendum, in quo contineatur numerus ejus creditorum & debitorum. Hæc autem tria Inventaria, sicut & folium præfatum, subscripta sint a duobus Patribus ex gravioribus Conventus, quos Visitator si dolosos reperiet, utraque voce privatos ad tres annos declaret.

De Pignorationibus.

9. Sacra mobilia & pretiosa non possunt pignori, nisi apud Montem Pietatis, & maxima urgente necessitate, approbata a tota Familia, & cum Apostolico beneplacito, sub poena privationis utriusque vocis ad triennium: quam poenam ad sex menses tamen subeant etiam Sacrista vel Prior, si aliquid ex pretiosis commoda-verint sine Familiae consensu.

10. Ubi adest sufficiens numerus Religiosorum, eligantur Depositarius, Procurator, & Expenfor a Familia: qui tamen respectively in administratione domorum Conventus dependant a Priore.

Poenæ contra dolosos.

11. Denique quis, sive Prior sive Procurator sive Expenfor, repertus fuerit dolosus in admi-

nistrandis bonis Conventus, illico ab officio deponatur, & Provincialis fatagat, ut damna Conventui illata reparentur. Laici quoque, qui ex elemosynis ostiatim nomine Conventus collectis, quid sibi retinuerint in notabili quantitate, subeant privationem vocis, & præcedentiæ ad annum.

C A P. XXI.

Quoad poenam furtorum.

1. Qui e nostris, quod absit, ex re familiari Conventus quid grave furatus fuerit sine officinarum fractura, pro prima vice in carcere per quindecim dies pane solummodo & aqua feria sexta cibetur: pro secunda vice per mensem: pro tertia vero per annum: & si ulterius, puniatur juxta mensuram delicti.

2. Si furtum fuerit grave, & cum fractura officinarum, pro prima vice per annum carceri mancipetur, pro secunda vero ad biennium.

3. Si demum factum fuerit extra Ordinem, & grave, subeat poenam carceris ad triennium: si vero leve, sed cum scandalo, ad tres menses.

C A P. XXII.

Quoad poenam detractorum, & verberantium.

1. Si quis contumelias bonæ famæ graviter perniciosas evomerit in fratrem, carceri mancipetur per mensem: si in Priorem, per tres: si in Provinciale, per sex. Auctor autem libelli famosi intra vel extra Ordinem, ulterius in publica mensa qualibet feria sexta per mensem cibetur tantummodo pane & aqua, & privetur utraque voce ad triennium.

Poenæ contra Detractores.

2. Si quis manu Religiosum percusserit, carceretur per octo dies: si baculo & graviter, per sex menses: Si vero ferro aut sclopo, per annum. Secuta autem membrorum mutilatione ex vulnere accepto in vulnerato, vulnerans poenam subeat carceris ad triennium: Sequuta vero morte, in perpetuum. Inde ad præcavenda in nostris hæc mala, cunctis sub poena carceris ad sex menses prohibemus, ne propria, vel aliorum arma, & instituto offensiva ferant vel conservent.

Contra Percussores.

Arma per Religiosos non servanda.

C A P. XXIII.

Quoad Judices, Accusatores, Testes, & Appellationes.

1. Judices in nostro Ordine sive ordinarii sive delegati processus edere nequeant, si accusatores non se sub initium subscripserint ad poenam rationis, quam omnino sustinere debent, si sufficienter de existentia allati criminis non docuerint: idque sub poena nullitatis processus, & Judici privationis officii ad triennium.

Forma Processuum per Judices edendorum.

2. Testes quoque non admittantur, nisi fide digni, & si falsi deprehendantur, aut positi inter duo juramenta, arcu carceris poena puniantur ad sex menses, nec imposterum ut jam infames in judicium revocentur.

Testium qualitates.

3. Reis etiam constitutis detur ex nostris vir doctus, qui eos intra congruum tempus defendere possit: quem si Judex denegaverit, privus declaretur officio, & utraque voce ad triennium.

Affessor è saculo cooptandus.

4. Demum processus, urgente justitia, conficiatur, sed a Fratribus & intra Ordinem tam ad servandum ipsius Ordinis decorem, quam ad evitandas expensas. Ut autem rite cuncta perficiantur, possit Judex Regularis assumere e saculo in assessorem virum prudentia præditum, & in utroque jure peritum.

5. Appellatio a correctione non sit nostris licita,

1734.
De Appella-
tionibus.

sed a gravamine illato per sententiam : quam si Judex, a quo appellatur, recusaverit admittere, appellans protestetur, se adire velle Superiorem majorem, coram duobus Sacerdotibus, qui de ea protestatione se subscribant.

C A P. XXIV.

Quoad Advenas & Hospites.

1. Advena, ubi præverit, illico Priori literas obedientiales exhibeat, eique causam sui adventus exponat. Quod si ob negotia pertractanda, vel honestæ recreationis causa diu ibi Hospes permanere debeat, tribus elapsis diebus, sicut unus ex Conventualibus tractetur; celebret nempe pro oneribus illius Ecclesiæ, ac Choro intersit, nisi cum eo quandoque Prior benigne dispensaverit.

2. Ubi noster adest Conventus, hospes sub pena privationis utriusque vocis ad sex menses, nequeat in Domibus, etiam Consanguineorum vel aliorum quoque Regularium, pernoctare absque Prioris licentia.

3. Prior & Provincialis habeant in advenas & hospites eandem prorsus jurisdictionem ordinariam, ac in suos immediate Subditos; & inde si delinquant, ab utroque respective puniri possunt ad præscriptum Regulæ, & harum Constitutionum.

4. Advenæ divertentes ad Conventum SS. Cosmæ & Damiani de Urbe teneantur post tertiam diem ab accessu celebrare pro oneribus illius Ecclesiæ quotidie, eique ulterius solvere julium unum, duos vero si non celebrent, vel sint Laici. Cumque nostri ex quacumque Provincia, quæ Romæ Conventum proprium non habeat, ad eam accedentes, hospitari debeant in Conventu Sanctorum Cosmæ & Damiani, præcipimus inde ejus Priori sub pena privationis officii, ut tanquam hospites non recipiat, nedum Tertiarios Regulares Gallos, sed neque nostros ex Provincia Sicula; cum & hæc in Urbe suam habeat proprium Conventum sub titulo Sancti Pauli ad Arenulam.

C A P. XXV.

Quoad Visitatores & Commissarios.

1. Minister Generalis non potest nec debet deputare Commissarium Generalem super una Provincia vel Conventu ad tempus sive indefinitum sive definitum ad causam vel causas forsitan eventuras: neque unum ex generalibus, nisi tantum, quando ipse egreditur fines Italiæ, & pro eo dumtaxat tempore, quo extra Italiam commoratur; & huic eidem impotentia subest etiam respectu Minister Provincialis, dum est intra suam Provinciam.

2. Poterit igitur Generalis, dum est intra Italiam, deputare Commissarium Generalem in casibus particularibus, nempe ad agendam causam civilem aut criminalem, ad visitandum & præsendum Capitulo Provinciali; & tunc assumat Religiosos graves, & si adsint, in Sacra Theologia Magistros, qui quidem Commissarii habeant votum, nec debent tamen assumi ex illa Provincia, ad quam mittuntur.

3. Procuratori Generali in Curia non potest demandari Visitatio alicujus Provinciæ vel Conventus extra Urbem, attentâ incompatibilitate inter unum & alterum officium.

4. Commissarii, Visitatores, & Præsidentes in Capitulis & Congregationibus Provincialibus nequeant eligi ad aliquod officium in ipsis Capitulis & Congregationibus in quibus officium Commissarii & Præsidentis exercent, sub pena nullitatis electionis, quæ revolvatur ad Generalem, & tunc electus a Generali habeatur, ac si in Capitulo & Congregatione electus fuisset.

lem, & tunc electus a Generali habeatur, ac si in Capitulo & Congregatione electus fuisset.

5. Si quis instituat a Generali Commissarius super aliqua Provincia, pro eo casu locum digniorem habeat supra Priores & Provinciales: si vero pro Conventu particulari, cedat locum Provinciali.

6. Demum Provincialis Provincia Romanæ ultra Visitacionem Ministri Generalis semel in anno, vel sæpius pro rei necessitate, possit & debeat visitare auctoritate sua Provinciali Cœnobium SS. Cosmæ & Damiani Urbis; attamen per hoc Decretum nullum inferatur præjudicium præteritis juribus Patris Generalis, quoad pertinentiam dicti Cœnobii, sed jura unicuique ex partibus salva sint.

C A P. XXVI.

Quoad Provinciales Titulares.

1. Dignitates Titulares Provincialium revocantur ad duas, videlicet Patrimonium, & Montis Feltri. Ad eas assumantur ad triennium a Ministro Generali illi, qui pro Religione assidue laboraverint, vel studiorum lucubrationibus, vel negotiorum occupationibus.

2. Provinciales Titulares sint Patres perpetui illius Provinciæ, cujus sint filii. Durante eorum triennio vocem habeant in Capitulis & Congregationibus, etiam generalibus; sed ex eis illerantur, qui est natus illius Provinciæ, & de Familia in Conventu, in quo celebratur Congregatio Generalis. Post triennium vero habeat vocem tantum in Capitulis Provincialibus Provinciæ suæ nativæ. Quo autem ad præcedentiam, prout infra Cap. 31.

C A P. XXVII.

Quoad Capitulum Generale, ejusque Congregationes intermedias.

1. Capitulum Generale singulo sexennio celebratur in Conventu, ubi a Vocalibus Congregationis Generalis præcedentis judicatum fuerit expedire. In eo votum habeant Generales, Exgenerales, Procurator, & Secretarius Generalis, Provinciales sive jurisdictionis sive tituli, & Secretarii Provinciarum, ac Custodes, ordine, quo infra sub Cap. 32.

2. Debent in eo eligi ad sexennium novus Minister Generalis, & novi quatuor Definidores Generales. Minister Generalis debet esse Magister in Sacra Theologia, ac potest eligi, licet absens, sed non ex illis Provinciis, ex quibus fuerint duo Generales antecessores immediati.

3. Definidores Generales debent eligi ex quatuor Provinciis per turnum, nempe pro primo ex Provinciis Mediolanensi, Sicula, Brixienfi, & Veneta; Pro secundo ex Provinciis Romana, Bononiensi, Marchiana, & Dalmatina; Pro tertio ex Provinciis Neapolitana, Aprutina, Calabrensi, & Belgica.

4. Expensæ pro Capitulo Generali taxentur in ipso Capitulo a Vocalibus Provinciarum: Quo ad sumptus itinerum, stetur consuetudini Provinciarum. Concionatores & Cathedralici suæ Provinciæ expensis ad Capitulum proficiantur, de quibus omnibus accurata & distincta in Definitorio ratio danda erit.

5. Inde, expletis prædictis electionibus, congregandum erit Definitorium generale, cui interveniant ut Vocales, Generalis, ex-Generales, Procurator Generalis, quatuor Definidores Generales, Secretarius Generalis, Provincialis, & Prior Conventus, ad celebrationem dicti Definitorii seu Congregationis destinati, ordine, quo infra Cap. 32.

6. In hac Congregatione supplendus est numerus Examinatorum vel Regentium Generalium, si

Visitatio
Cœnobii SS.
Cosmæ &
Damiani a
Provinciali
P. R. quolibet
anno faci-
enda.

Qui eligendi
in Provin-
ciales Titu-
lares.

Capitulum
Gen. quolibet
sexennio
celebrandi.
In eo qui votum
debeant
habere.

Qui vero eli-
gendi.

Qualitates
eligendorum
in Definito-
rio Gen.

De Expensis.

De Definito-
rio Genera-
li: & de qui-
bus in eo
agendum.

Quæ ab Ad-
venis præ-
standa sunt
post triduum.

Prioris &
Provincialis
super eisdem
jurisdictione.

De Hospitio
ad SS. Cos-
mæ & Dam-
ianum.

Facultas Mi-
nistri Gene-
ralis, quæ fit
in electione
Commissa-
riorum ad
tempus.

Procurator
Gen. in Cu-
ria.

Commissa-
rii, Visitato-
res, & Præ-
sidentes ad
aliqua officia
non eligendi.

quis

quis eorum intra unam Congregationem & aliam mortuus fuerit, vel renunciaverit: Insuper debet eligi novus Procurator Generalis, qui sit Magister, nec ex illis Provinciis, ex quibus sunt Generalis praesens, & immediate praeteritus: quo electo, recedit a Congregatione Procurator Generalis praeteritus, & ingreditur novus cum juribus Procuratori Generali competentibus: nec duret, nisi ad triennium, itaut qui functus fuerit officio Procuratoris Generalis per triennium, nequeat ad idem officium iterum eligi vel confirmari, nisi per annum vacaverit.

7. In eadem Congregatione debet, a solo tamen Ministro Generali, confirmari Secretarius Generalis, vel eligi novus ad triennium: quo electo, recedat praeteritus, & ingrediatur novus, ut dictum est de Procuratore Generali.

8. Liceat Generali cum Vocalibus hujus suae Congregationis interpretari Regulam & Constitutiones Ordinis in omnibus dubiis, ad verum sensum tamen & mentem earundem, & non alias, nulla facta immutatione: nec non suspendere ab officiis quoscumque, etiam Provinciales, si ita necessitas & iustitia requisierit: quinimo etiam privare, juridice tamen & cum causa plenaria cognitione, salva semper Capituli Generalis auctoritate.

9. Vocales hujus Congregationis statuunt, ubi celebranda erit Congregatio Generalis intermedia ad finem triennii, cui respective interveniant iidem Vocales, qui primae; & in qua similes electiones habeantur, eo tantum interveniente discrimine, quod in hac Congregatione intermedia Procurator Generalis eligi possit ex illa Provincia, ex qua sit Generalis immediate praeteritus.

10. Demum quando aliquid praescribitur agendum in consilio & assensu Definitorum sive Generalium sive Provincialium, debet intelligi, quod id fiat, Definitoribus simul in unum congregatis; aliter consensus, per literas aut singulariter datus, nullius sit momenti, ac irritus effectus inde sequutus.

C A P. XXVIII.

Quoad Capitulum Provinciale, ejusque Congregationes intermedias.

1. Capitulum Provinciale singulo quoque triennio celebretur, eo loco & die, ut a Ministro Generali vel ejus Commissario fuerit destinatum. In eo votum habeant Generalis, vel ejus Commissarius, ex-Generales, Procurator, Definitor, Secretarius, Generales tum actuales tum praeteriti, Provincialis sive jurisdictionis sive tituli, sive actualis sive praeteritus, in Capitulo tamen ejus Provinciae, de qua sunt nativi: item Secretarius Provincialis actualis, Priores cum suis Discretis, ac Regentes Generales, & Examinatores pariter Generales, & Custos actualis Provinciae, ordine, quo infra sub Cap. 32.

2. Debent in eo eligi ad triennium novus Minister Provincialis, quatuor Definitores, & Custos: post quas electiones celebretur prima Congregatio Provincialis, cui intervenire debent, qui sunt Praeses Capituli, Exgenerales, Provincialis sive jurisdictionis sive tituli actuales, Secretarius, Procurator, & Definitor Generales actuales, si adsint, & quatuor Definitores Provinciales noviter electi, ordine, quo infra Cap. 32.

3. In hac prima Congregatione Provinciali eligi debet a toto Definitorio Secretarius Provincialis ad triennium, qui tamen in ea jus suffragandi non habeat.

4. Eligi etiam in ea debent Priores Conventuum ad annum, quorum nullus potest esse simul Prior & Secretarius, vel Definitor Provin-

cialis, nisi in Provinciis parvis, urgente necessitate, & tunc Definitor, qui proponitur eligendus Prior, se abstineat a suffragando in illa electione. Elapso anno de licentia Ministri Generalis celebrabit Provincialis secundam Congregationem, & elapso biennio, tertiam, quibus interveniant iidem, qui primae; ac in eis praeter electionem Secretarii Provincialis, si electus in prima obierit, vel renunciaverit, fiant electiones Priorum pariter, ut in prima.

5. In praefatis tribus Congregationibus eligendi sunt, vel confirmandi, Magistri Novitiorum, & de recenti professorum, ac ii, de quorum voto expelli possunt ab Ordine incorrigibiles.

6. Qui in tribus Congregationibus continuatis Prior electus fuerit, & per triennium eo munere functus, non poterit eligi neque in Priorem, neque in Praesidentem, nisi transacto anno. Ille vero, qui Praesidens fuit alicujus Conventus pro majori parte anni, non possit ad officium Prioris eligi, nisi ad biennium, itaut tempus Praesidentatus computetur ad effectum vacationis, tanquam annus complens triennium gubernii.

7. Priores ita eligantur ad annum, ut eo transacto, si praecedens Prior non eligatur, nulla ei fiat injuria, quamvis non compleverit triennium, intra quod confirmari poterit.

8. Ad officia quaecumque cujuslibet Provinciae admittantur filii ejusdem Provinciae tantum, sub pena nullitatis electionis; & in Capitulis & Congregationibus Provinciae Romanae, ex specialibus causis in hac Provincia concurrentibus, votum decisivum & consultivum habere possit & debeat dumtaxat Pater Generalis actualis, exclusis aliis Superioribus & Officialibus generalibus, cujuscumque Provinciae sint, & qualitatis.

9. In Capitulo quoque Provinciali Provinciae Romanae Regens Sanctorum Cosmae & Damiani de Urbe votum non habeat, nisi sit natus illius Provinciae; cum jus suffragandi concedatur Examinatori generali in Capitulo tantum suae nativae Provinciae, ut statutum est sub Cap. 14.

10. In Capitulis Provincialibus, si major pars Vocalium non esset pro uno, praemissa protestatione peracto primo scrutinio, durante eadem discordia post tria scrutinia, electio, pro qua est discordia, devolvatur ad Generalem, sive interfit sive non Capitulo. Si autem id eveniat in Congregationibus Provincialibus, electio devolvatur ad Generalem, si ibi fuerit praesens, secus ad Provinciale. Ceterum electiones omnes factae sive in Capitulis sive in Congregationibus Provincialibus, ut jus tribuunt electis, confirmari debent a Praesidente Capituli vel Congregationis.

11. Demum exeuntes absque causa legitima, & approbata a Praeside & a majori parte scrutatorum, careant utraque voce ad triennium & decennium, si eorum exitus fuerit cum contemptu; & Vocalis dubius careat jure suffragandi.

C A P. XXIX.

Quoad Electionem Discreti Conventualis, mittendi ad Capitulum Provinciale.

1. In Electione Discreti Conventualis, sicut & in quocumque actu, ad quem requiritur consensus Familiae, vocem habeant omnes legitime professi, in Conventu de Familia collocati, si tertium annum professionis compleverint, ibique fuerint per duos menses immediate ante commorati; ad amovendam autem omnem in hujusmodi Discretorum Electionibus fraudem, nequeat Provincialis tribus mensibus ante Capi-

Priores eligendi ad annum.

Ad officia promovendi tantum filii Provinciae.

Capitulum Provinciale, quolibet triennio celebrandum.

Qui votum in eo habeant:

Et quae pertractanda.

In electione Discreti Convent. qui vocem habeant.

In quo Conventu possit eligi.

tulum amovere a Conventu quemlibet, ibi de Familia commorantem, nisi ex causa delicti gravis & notorii. Quod si secus factum fuerit, amovetur in Conventu, ubi reperitur vocem non habeat quoad Electionem Discreti; sed ne suffragandi jure sine causa privetur, redeat cum voce ad priorem Conventum, in quo per duos menses de Familia collocatus extiterat, nisi libere juri suo cedat.

2. Discretus Conventualis fieri potest in Conventu, ubi saltem adsunt duo habentes vocem passivam, & quinque activam, inter quos numerari debent etiam processati, qui ante latam sententiam careant dumtaxat voce passiva. Inde, deficiente hoc numero Vocalium, convenire possunt Familiae plurium Conventuum pro Electione unius Discreti. Si post tertium scrutinium Electio Discreti non habeatur, & fuerit praesens Minister Generalis, vel ejus Commissarius, ad eum devolvatur Electio, secus, non iteretur scrutinium, sed Prior accedat ad Capitulum sine Discreto.

3. Statim ac Minister Generalis, vel ejus Commissarius, visitandi causa aliquam Provinciam ingreditur, sit in arbitrio & libertate Capituli Conventualis omnium Conventuum illius Provinciae devenire ad Electionem Discreti Conventualis, taliter, ut Visitator inhibere non possit, ut Electio non perficiatur, nisi adveniente tempore suae Visitationis. Quod si Visitator reperitur in aliquo Conventu, tempore praefatae Electionis, poterit ei intervenire, & praesesse.

C A P. XXX.

Quoad officia collata in Capitulis vel Congregationibus intermediis, sed extra id tempus implenda ex vacationibus, vel per obitum vel per dimissionem.

Quid agendum obente Ministro Gen. in completo sexennio:

1. Quaedam sunt procul dubio officia, quae diu saltem nequeunt remanere vacua, ut gradus Ministri Generalis, Definitoris sive Generalis sive Provincialis, Ministri Provincialis, & Prioris Localis. Jam deficiente Ministro generali ante expletum sexennium sui gubernii, sigillum, & quae spectant ad praedictum officium, consignentur a Secretario generali, & a Provinciali illius Provinciae, in qua obiit Generalis, antiquiori Exgeneralis, qui defuncti vices suppleat, donec ab Apostolica Sede provideatur de Vicario generali: Quod si nullus addit ex Exgeneralibus, consignentur ei, qui tunc in Ordine dignior est ratione muneris perfundi.

Quid autem deficiente Procuratore Gen.

2. Deficiente ex quacumque causa intra triennium Procuratore generali, eligatur novus a generali cum approbatione Sedis Apostolicae usque ad Capitulum generale vel Capitulum intermedium proxime futurum, ita tamen, ut ipse Procurator generalis numquam eligi possit ex illa Provincia, ex qua sit Generalis.

Vel Definitore.

3. Deficiente ex quacumque causa aliquo Definitore actuali vel generali vel Provinciali, subrogetur a generali in locum defuncti ille, qui primum locum occupat in ea Provincia, ex qua defunctus fuerat assumptus, & alius non habeat votum in supradicta Congregatione generali vel Provinciali respective.

Aut Ministro Provinciali.

4. Deficiente ex quacumque causa Ministro Provinciali, donec a generali provideatur de Commissario Provinciali, quique ad futurum Capitulum provinciale gerat vices defuncti cum omnimoda potestate Provincialitatis, Senior inter Exprovinciales gerat vices defuncti; & si non adsint Exprovinciales subeat hoc munus Discretus Provincialis actualis.

Privilegia Commissarii Prov. si ad biennium Ministerium Prov. egerit.

5. Commissarius Provincialis ita, ut supra, electus a generali ob deficientiam Ministri Provincialis, si per integrum biennium Provinciam gubernaverit, inter Exprovinciales connumerari debeat, & eorum singulis gaudeat beneficiis & privilegiis, itaut in Capitulo immediate celebrando eligi non possit in Provinciale, nec eo munere fungi, nisi saltem per annum vacaverit; Si autem per integrum biennium in eo officio non steterit, nullo gaudeat Exprovinciale privilegio, & inde eligi poterit in Capitulo immediate sequenti in Ministerium Provinciale.

6. Deficiente ex quacumque causa Priore, antequam a Ministro Provinciali alter eligatur, qui usque ad futurum immediate Congregationem Provinciale Conventum gubernet, dignior de Familia gerat Prioris vices. Qui autem itaut, supra, fuerit a Ministro Provinciali subrogatus, appelletur Praesidens, sed habeat eandem potestatem, jura, & votum, quae habeat ejus antecessor. An autem, & quando praefatus Praesidens possit eligi in Priorem, dictum est sub Cap. 28.

7. Demum qui dimitunt officium & dignitates, quae durant ad triennium, biennio non completo, non gaudent privilegiis & praemiis, quae in nostris Constitutionibus conceduntur, absolutis ab hujusmodi officiis & dignitatibus; Secus vero, si ea dimitant post elapsum biennium, & ex legitima causa approbata a Ministro generali; tunc enim considerari debent, ac si ea per integrum triennium retinuisent.

C A P. XXXI.

Quoad triplicem Paternitatem, & quoad praecedentiam extra quacumque Capitula & Congregationes.

1. Paternitas triplex est in Religione nostra: Prima est Religionis seu Ordinis, quam habent Generales praesens & praeteriti, Procuratores, Definidores, & Secretarii Generales tam actuales quam praeteriti: Secunda est Provincialium, quam habent Provinciales sive jurisdictionis sive tituli, tam actuales quam praeteriti, Definidores, Secretarii, & Custodes Provinciales actuales tantum, & Magister Regens, qui trinum cursum Theologiae perfecerit: Tertia est Conventuum, quam habent Priores & Magistri in Sacra Theologia.

De Paternitatibus:

2. Quo vero ad praecedentiam extra Capitula & Congregationes servetur ordo sequens: Generalis actualis ubique, & semper in quolibet actu ceteris quibuscumque praefertur: Exgenerales ad invicem servent tempus suae promotionis. Quo autem ad ceteros in Conventu, ubi degunt, uni tantum subsint, nempe si ibi adsit Generalis, soli generali; eo absente, si ibi adsit Provincialis, soli Provinciali; in absentia autem utriusque, tunc subsint Superiori Locali seu Priori.

De praecedentibus.

3. Procurator generalis actualis praefertur Definitoribus generalibus actualibus: & isti praefertur Secretario generali actuali, qui tamen omnes ceteris aliis sunt praefertendi; sed subsint Provinciali jurisdictionis: in sua tamen Provincia; ac Priori aliter in suo Conventu.

4. Post Procuratorem generalem, Definidores Generales, & Secretarium generalem, actuales, sequuntur hoc eodem ordine Procurator, Definitor, Secretarius Generales praeteriti, & Provinciales jurisdictionis pariter praeteriti: subinde Provincialis tituli actualis, quem sequuntur Provincialis tituli praeteriti, deinde Definidores Provinciales actuales, postea Secretarius Provincialis actualis, qui tamen in cursu Visitationis praefertur dictis Definitoribus, deinde Custos Provinciae pariter actualis.

5. Post praedictos primi sedeant Regentes Generales: secundi Examinatores Generales: tertii

Regentes,

Regentes, qui actu legunt: quarti Magistri, qui fuerunt Definitorum Provinciales: quinti, qui fuerint Auctores alicujus Conventus: sexti Magistri: septimi Sacerdotes simplices, qui tamen fuerint Definitorum Provinciales: octavi Sacerdotes simplices, qui suae professionis excedunt annum vigesimum: noni Lectores actuales tam Speculativa quam Moralis, qui tamen non sint Magistri: decimi caeteri Sacerdotes simplices: undecimi Clerici: & ultimi sedeant Laici.

6. Exceptis ex-Generibus quoad praecedentiam, qui ut supra statutum est, servant inter se tempus suae promotionis ad Generalatum: in caeteris omnibus etiam Officialibus, sive Generalibus, sive Provincialibus, sive actualibus sive praeteritis, attendatur in paritate gradus tempus professionis, nisi tamen obstat titulus Magisterii; Nam Magistri ubique praeferendi sunt non Magistris, licet illis professione antiquioribus, & sint in eodem gradu v. g. Definitoris. Hanc autem excellentiam praecedentiae non conferat titulus Examinatoris aut Regentis Generalis, respectu tamen & dumtaxat Officialium Generalium tum actualium tum praeteritorum, & Ministrorum Provincialium sive jurisdictionis sive tituli sive actualium sive praeteritorum.

7. Demum Provincialis extra propriam Provinciam nullam habeat praecedentiam ex Provincialatu, sicuti nec Prior a Prioratu extra proprium Conventum.

C A P. XXXII.

Quoad praecedentiam Vocalium in Capitulis & Congregationibus intermediis.

1. In Capitulis Generalibus actualis Generalis digniorem habeat locum, quem immediate sequitur praeteritus Generalis cum caeteris jam ex-Generibus juxta tempus suae promotionis; Deinde Procurator & Secretarius generalis, Provincialis Conventus, ubi Capitulum celebratur, subinde caeteri Provinciales jurisdictionis gradatim juxta antiquitatem Provinciarum, postea Provinciales titulares: Demum Secretarii, & ultimi Custodes Provinciales, modo supradicto.

2. In Congregationibus generalibus actualis Generalis & ex-Generales sedeant, ut supra in Capitulo Generali, postea Procurator & Secretarius Generales, deinde Provincialis Conventus, ubi Congregatio celebratur, quos sequuntur Definitorum Generales, & Prior Conventus, in quo Congregatio celebratur.

3. In Capitulis Provincialibus digniorem habeat locum illorum Praesidens, quem sequuntur ex-Generales, Provincialis actualis, Procurator, Definitor & Secretarius Generales actuales, postea praeteriti: Subinde Provincialis tituli actualis, deinde praeteriti, Priores juxta antiquitatem Conventuum, Regentes Generales, Examinatores pariter Generales, & Discreti locales juxta antiquitatem Conventuum, & demum Custos actualis Provinciae, prout in Cap. 28.

4. In Congregationibus Provincialibus digniorem habeat locum illarum Praesidens, nempe Generalis actualis vel ejus Commissarius, vel istis absentibus, Provincialis jurisdictionis actualis, qui, si non sit caput Congregationis, sedeat post ex-Generales, & hunc sequuntur Definitorum & Secretarius Generales actuales, Provincialis titularis actualis, & demum quatuor Definitorum Provinciales.

5. Si quandoque in Capitulis vel Congregationibus praescriptus ordo pervertitur ex incuria vel inadvertentia, seu ex vocatione per-

mixta, nulli propter hoc intelligatur praedictum generatum.

C A P. XXXIII.

Quoad Privilegia nonnullorum.

1. Solummodo Generalis actualis, & praeteriti, titulum Reverendissimi retineant, dum vivunt: possunt etiam ex-Generales unum Conventum sibi deligere, ubi manere possint ad vitam, & a quo omnia tam ad victum quam ad vestitum necessaria, ipsorumque statui religioso congrue recipiant, ac ibidem Superior deputandus, Vir gravis, eidemque ex-Generali bene affectus constituatur a Congregatione Provinciali. Conventus autem, quem eligere possunt, sicut & Regens quatuordecim annorum, debet esse ejus Provincia, de qua ipsi sunt nativi.

2. Ex-Generales, Procurator, & Secretarius Generales actuales non solum votum habeant in Capitulis & Congregationibus tam Generalibus quam Provincialibus, sed ubi aderint, & deliberatio facienda sit per suffragia.

3. Ex-Procuratores, ex-Definitorum, ex-Secretarii Generales, ex-Provinciales, sive jurisdictionis sive tituli, nequeant a Provincialibus actualibus amoveri quocumque praetextu seu colore a Conventu eorum filiationis, vel ab eo, ubi manent, nisi de ipsorum consensu, aut peculiari interveniente mandato Ministri Generalis, vel ob grave ac publicum scandalum, de quo tamen semper certior reddatur Minister Generalis, ejusque mandatum expectetur: cum quibus etiam Superiores actuales quoad actus communes agant cum debito respectu & reverentia.

4. Demum sexagenarii quoque sine ipsorum assensu non amoveantur a Provincialibus a Conventu eorum filiationis, nisi ob grave delictum, publicumque scandalum, aut de mandato Patris Generalis.

5. Declaramus tandem, quod supradicta Decreta & Ordinationes non obligant ad culpam, sed ad solam poenam, nisi ubi violatur praecipuum aliquod Divinum aut Ecclesiae, vel substantia trium Votorum essentialium, nisi aliter cautum sit in ipsis Constitutionibus.

¶ 2. Cum autem, sicut eadem expositio subjungebat, tam ipse Bonaventura Procurator Generalis, quam dicti Paulus Minister Generalis, alique Religiosi Ordinis praefati, Constitutiones sic collatas & ordinatas, quo firmiter subsistant, ac serventur exactius, Apostolicae confirmationis nostrae patrocinio communiri summo opere desiderant; Nos, qui dum Cardinalatus honore fungebamur, munus Protectoris ejusdem Ordinis apud Sedem Apostolicam diu sustinimus, ac etiamnum post nostram assumptionem ad Summi Apostolatus apicem retinemus, rectamque illius administrationem & felices progressus sinceris exoptamus affectibus, illorum votis hac in re, quantum cum Domino possumus, favorabiliter annuere volentes, ac singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatæ existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus pro parte dicti Bonaventurae Procuratoris Generalis, quo supra nomine Nobis super hoc humiliter porrectis inclinatis, omnes & singulas Constitutiones praesentatas, & in eis contenta quaecumque auctoritate Apostolica tenore praesentium confirmamus & approbamus, il-

Privilegia
Generalis:

Exgenera-
lium:

Procura-
toris & Se-
cretarii Gen.

Ex Procu-
ratorum &c.

Hæc De-
creta non
obligant ad
culpam.

Confirman-
tur auctori-
tate Aposto-
lica.

lisque